



Finnish TWR Women of Hope team at a Run for Missions event

Ela tlhoko

## Thoriso le tebogo go Modimo

Setswana

Ditiro tsa Modimo di a gakgamatsa! Bao bam o itumellang ba iketla ka tsona.

Tsotlhe tseo a di dirang di bontsha kgalalelo le bogolo jwa gagwe. Tshiamo ya gagwe ga e fele. O dira gore re gopole digakgamatso tsa ditiro tsa gagwe. Ke Modimo wa Mohau. Pesaleme 111:2-4

Go siame go sekaseka matshelo a rona –go gopola-le go galaletsa Modimo ka ditiro tsa gagwe.

Mopesaleme mo temaneng e e kwa godimo a re Modimo o dira gore re gopole digakgamatso tsa ditiro tsa gagwe. Mopesaleme o arabela kang eo jang? O phatloga ka thoriso e kgolo, a opela: Modimo wa rona yo o mohau!

Goreng o batla go rorisa Modimo? Ke dikgopolo dife tseo di tlisang boitumelo le ditebogo pelong ya gago fa o gopola ka moo Modimo a go thusitseng ka teng? Modimo o go file pholo, kgothatso, lerato le kgololosego e feng?

Thoriso ya rona ga e fell emo ditshegofatsong tsa Modimo fela. Botshelo bo thata bo tlhakatlhakane.

Ke mo mathateng afe a e reng le morago ga thapelo, o lemoga gore Modimo o nna le wena, ke ena tshepo le kagiso gareng ga mathata.

Mo kgweding e re rorisa Modimo ka seo a se dirang go mekgatlho ya Bomme Ba Tshepo ya TWR. Ditlhopa tse dintsi di kwala le go tlhagisa diprograma tsa bona. Ditlhopa tsa dithapelo di ruta baagisani, batshwarwa le bao ba utswiwang. Peo ya lentswe la Modimo e jadiwa ebile e gola mo dipelong tsa bareetsi!

Ka jalo, re tlhakana le mopesaleme re goeletsa Modimo ka boitumelo. Re rorisa ebile re mo leboga gonne ke motlhodi yo o tlhwatlhwa, yo o re amogetseng re le batho ba gagwe a re rata ka lerato leo le sa feleng!

*Goeletsa Modimo ka boitumelo, lefatshe lotlhe.*

*Tlotlomatsa Modimo ka kgalalelo; mmatle ka mmino wa boitumelo,*

*Itse gore Morena ke Modimo. Ke ena a re bopileng re ba gagwe;*

*Re batho ba gagwe, dinku tsa thuo ya gagwe.*

*Tsena ka dikgoro tsa gagwe ka ditebogo le thoriso;*

*Neela ditebogo go ena o tlotlomatse leina la gagwe.*

*Modimo o siame, lerato la gagwe ga le fele;*

*Botshepegi jwa gagwe bo tswela pele le mo matshelong a a latelang. (Dipesaleme 100)*



<p>1. ... gore moithuti wa kwa Central Asia o ikgomagantse le mokgatlo wa Bomme Ba Tshepo ba TWR kwa Norway. O rotloeditse mokgatlo gore o nne o tshepagetse ka gonne diprograma tsa bone di mo neile botshelo le maatla ka ene e le ena fela mokeresete mo motseng wa gaabo.</p>	<p>2. ... go tlhatloga ga palo ya bareetsi ba Facebook go diprograma tsa Bomme Ba Tshepo Ba TWR kwa Romania. Ba fitlhella batho botlhe ba dingwaga tse di farologaneng, dithuto tse di farologaneng le dikereke tse di farologaneng.</p>	<p>3. ... re tlhlope go galaetsa leina la gago. Re itsise dinaga tsotlhe ka ga ditiro tsa gago. Re a go opelela re bolella batho botlhe ka ga dikgagamatso tsa ditiro tsa gago. ( Dipesalome 105:1-2)</p>
<p>4. ... gore Bomme Ba Tshepo ba TWR kwa Tanzania ba gasa ka leleme la Kiswahili mo diteisheneng di le 10. Rara, ba le bantsi ba go itse o le mmoloki ba gola mo botsalanong le wen aka ntlha ya dikgaso tse.</p>	<p>5. ... setlhopa sa Bomme Ba Tshepo se tla bo se diragatsa kwa moletlong wa di Terama kwa dikgolegolong ka Ngwanatsele. Re kopa gore nnete ya gago e refosaniwe bontle le batshwarwa gore ba go arabe.</p>	<p>6. ... gore diprograma tsa Bomme Ba Tshepo kwa Indonesia di gasiwa mo diteisheneng di le 46 le programa ya Javanese mo diteisheneng di le 22, se se ratile go fitlhelela Indonesia, se neela tshono ya go utlwa lentswe la Modimo.</p>
<p>7. ... gore ditiragatso tsa botabogi kwa Finland di kgobokantse matlole go Bomme Ba Tshepo Ba TWR kwa India. Setlhopa se se konoseditseng metabogo se lebogela tshono ya go bua ka Keresete Jesu ba lokologile.</p>	<p>8. ... go neela manno go bomme ba kwa Albania bao ba utswiwang. Gape setlhopa sa Bomme Ba Tshepo ba kgonne go gasa Efangedi le di programa tseo ba di fitlhang le basadi bao ba utswitsweng ba le 8 bao ba neng ba tlile kampeng ya bona.</p>	<p>9. ...gore Efangedi e tswellepele kwa Ukraine. Re go rorisa ka makgarebe a a etelang maokelo le dikolo ba ruta melao ya sekreste koo. A lentswe la gago le gatele pele ka maatla.</p>
<p>10. ...gore o tlotlomaditse Kreste wa mo neela leina leo le fetang tsotlhe. Ka leina la Jesu, mongwe le mongwe o tla khubama, diteme tsotlhe di tla paka gore Kreste Jesu ke Modimo, kgalalelo key a gago (Bafilipi 2:9-11).</p>	<p>11. ...basadi bangwe ba le bantsi bao ba tsereng boloko mo mokgatlong wa thapelo kwa Serbian go simolla fa e tlhodiwa ka Mopitlwe 2019. Modimo o rotloetsa dipelo tsa bona ga ntse ba rapedisana le basadi mo maamong a a bokete lefatshe ka bophara.</p>	<p>12. ... gore baithaopi mo Afrika ba itsalanya le mekghatlo ya Bomme Ba Tshepo Ba TWR. Ko dikopanong tsa bona, bomme ba a golagana fa ba ntse ba buisana ka seo se leng mo dipelong tsa bona.</p>
<p>13. ... tsela eo dikhutlwana tsa thapelo tsa Bomme Ba Tshepo Ba TWR ba rutang diboswa ka teng. Rara, dira tiro ya gago e e manonthotho ya go phepafatsa le go busetsa botshelo jwa nnete go bomme le borre ba.</p>	<p>14. ... bomme le borre bao e tla nnang barapedi mo mokgatlong wa TWR kwa France. Tlisa badumedi ba le bantsi go tsenela mokgatlo o. Rara, ba dire gore ba tshepagale mo go batleng sefatlhego sa gago.</p>	<p>15. ... gore o dira mo metseng ya kwa Malawi le go bula mejako ya kereke. Re go rorisa ka rre yo o rapelang le bomme ba le 200 le go ruta bathlolagadi.</p>
<p>16. ... gore o motlhodi wa botshelo. Re lebogela gore morago ga dingwaga di le 5, tsa go ganetswa go gwanta ka boitumelo jwa botshelo, kwa bofelong go diragetse ka Lwetse 14, kwa Zurich, Switzerland.</p>	<p>17. ... gore jaaka re amogetse Kreste Jesu jaaka Morena wa rona, re tshwanetse go phela mo go ena , re agege le go tsepama go ena, re matlafadiwe mo tumelong .</p>	<p>18. ... gore programa ya Bomme Ba Tshepo e gasiwe ka leleme la Tamil. Melaetsa e ruta bomme le go ba neela kitso.</p>
<p>19. ... gore ditshepiso tsa gago mo Beibeleng ke tsa nnete re ka di ikanya. Morena Modimo, o bona mathata a mongwe le mongwe. Fa ba go bitsa, o a thus aka nako ya gago le tsela ya gago.</p>	<p>20. ... gore matlotlo a a fitlhilweng a bonagale ka leleme la kwa Korea. Re rapedisa gore a dirisiwe go ruta bomme ba kwa North Korea ba e leng matswantle kwa China.</p>	<p>21. ... go barapedi kwa Canada bao ba rapedisang dikopo tsa Bomme Ba Tshepo ka kopo ya dithapelo ya dikhalendara ka metlha. Re lebogela le botshepegi jwa baithaopi kgwedi ka kgwedi.</p>
<p>22. ... dipaakanyetsotiro tsa dikgaolo tse diswa tsa lebentlele la Hanna le gore bomme bao ba ithobogileng ba fetolelwe go nna bomme bao ba tsepameng ba bolokesebile ba na le tshepo.</p>	<p>23. ... bareetsi ba Bomme Ba Tshepo kwa Portugal. Ba golagana le setlhopa sa Bomme Ba Tshepo go itsise ka tsela eo programa e tshogofatsang matshelo a bona ka teng.</p>	<p>24. ... re tlhopilwe, re a galalela go Modimo. Re bolokilwe ra itshwarelwa ka mohau wa Keresete. Re bolokesebile ka mowa o o boitshepo. (Baefeso 1: 4-13)</p>
<p>25. ... Bomme Ba Tshepo Ba TWR kwa Ethiopia ba tlo keteka dingwaga di le 10 ka Ferikgong 2019 mo tirong ya gago. Ntate, tswelapele o ba laetse le go ba tlamela ka ditlhokego.</p>	<p>26. ... gore re itumele ka metlha, re rapele ka go sa feleng le go neela ditebogo mo maamong otlhe; ka se ele thato ya gago go rona ka Krete Jesu. (1Bathesalonia 5:16-18)</p>	<p>27. ... go romela dinatla tsa dikgatso tsa kwa North East Asia bao ba tlholang diprograma tsa Bomme Ba Tshepo ka diteme tsa kwa Vietnam le Japan.</p>
<p>28. ... maloko a mannye a mantsi le mekhatlho e ipaakanyeditseng go phatlalatsa matlotlo a a fitlhilweng a go reediwa kwa Germany mo di didisrikting tsa teng.</p>	<p>29. ... go dingwaga di le 60 tsa tirisano mmogo magareng a TWR le ERF kwa Germany go tloga kwa tshimologong.</p>	<p>30. ... ga re tlhoke go tshwenyega gore re tlo ja eng, kgotsa go nwa eng, kgotsa go apara, gonne o rre wa rona, o itse ditlhoko tsa rona. (Matheo 6:31-32).</p>